

# Program rintis aplikasi web ACES selari keperluan pelajar

**Kuantan:** Majlis Pembangunan Wilayah Ekonomi Pantai Timur (ECERDC) baru-baru ini telah melaksanakan Program Rintis Aplikasi Web ACES (IR 4.0), membaikkan 393 pelajar lepasan Sijil Pelajaran Malaysia (SPM) di bawah seliaan Universiti Malaysia Pahang (UMP) dari daerah Kuantan, Pekan dan Bera.

Aplikasi Web yang dibangunkan oleh Asia Center of Excellence for Smart Technologies (ACES) di bawah ECERDC itu bertujuan untuk mewujudkan kesedaran mengenai Industri 4.0 (IR 4.0) dalam kalangan pelajar dan menyediakan bakat di Wilayah Ekonomi Pantai Timur (ECER) dengan kemahiran serta pengetahuan bagi memenuhi kehendak dalam pekerjaan di masa hadapan.

Di Pahang, kira-kira 1,319 peserta dari program empower ECER di 10 daerah iaitu Kuantan, Pekan, Bera, Cameron Highland, Lipis, Raub, Bentong,

Jerantut, Maran dan Temerloh terbabit dalam program rintis itu yang berlangsung selama tiga minggu sehingga 31 Julai lalu.

Program itu berjaya memberi pendedahan kepada peserta berkaitan konsep dan komponen utama teknologi dalam Revolusi Industri 4.0 (IR 4.0) yang menjadi aspek penting dalam kehidupan manusia pada masa kini dan akan datang.

Peserta, Muhammad Khairul Rizal Zu dari Kuantan berkata, sepanjang mengikuti program ini, banyak pengisian menarik minatnya, antaranya topik berkaitan Keselamatan Siber.

Katanya, pengisian itu menarik minatnya kerana pada masa kini banyak berkongsi maklumat peribadi di internet.

“Sebagai contoh, majoriti aplikasi yang kita gunakan pada hari ini memerlukan maklumat peribadi untuk mendaftar.

“Oleh itu, antara langkah yang boleh dilakukan untuk



Wan Rosdy memberikan kata-kata semangat kepada pelajar Program Rintis Aplikasi Web ACES (IR 4.0).

mengelak daripada serangan siber adalah dengan sering mengemas kini kata laluan, memasang aplikasi antivirus serta menggunakan kata laluan yang rumit,” katanya.

Program itu turut mendapat perhatian Menteri Besar Pahang, Datuk Seri Wan Rosdy Wan Ismail yang sempat merintau secara maya dan ber-

interaksi dengan peserta berkenaan.

Pada sesi interaksi ringkas itu, Wan Rosdy turut memberikan kata-kata semangat kepada peserta di samping merakamkan penghargaan kepada ECERDC dan UMP yang mengambil inisiatif melaksanakan program berkenaan.

Beliau berkata, program ini

wajar diteruskan kerana pengisian program itu selari dengan keperluan teknologi masa kini.

Turut sama dalam sesi tinjauan maya itu adalah Ahli Mesyuarat Jawatankuasa Pelaksanaan dan Penyelaras ECER (ICC) Pahang serta Timbalan Naib Canselor Universiti Malaysia Pahang (UMP), Prof Dr Mohd Rosli Hainin.